



Broj: 14-14-3-15660-8/19
Zenica, 10.12.2019. godine

Na osnovu člana 69. stav (2). tačka e) i člana 70. stav 1., 4. i 6. Zakona o javnim nabavkama („Sl. glasnik BiH“, broj 39/14), Zapisnika o pregledu i ocjeni ponuda broj: 14-14-3-15660-7/19 od 06.12.2019. godine u postupku javne nabavke „Nabavka i isporuka računarske opreme za potrebe organa uprave Zeničko-dobojskog kantona“, Direktor Službe za zajedničke poslove Zeničko-dobojskog kantona, d o n o s i:

ODLUKU **o poništenju postupka javne nabavke**

Član 1.

(Predmet)

Poništava se postupak javne nabavke „Nabavka i isporuka računarske opreme za potrebe organa uprave Zeničko-dobojskog kantona“, u skladu sa članom 69. stav (2) tačka (e) Zakona o javnim nabavkama.

Član 2.

(Objava odluke)

Ova odluka će biti objavljena na internet stranici Zeničko-dobojskog kantona www.zdk.ba i to istovremeno sa upućivanjem Odluke ponuđačima koji su učestvovali u postupku javne nabavke, a u skladu sa članom 70. stava (6) Zakona o javnim nabavkama.

Član 3.

(Obavještanje ponuđača o rezultatima)

U skladu sa članom 71. stav (2) Zakona o javnim nabavkama, uz Obavještenje o rezultatima postupka dostavit će se Odluka o poništenju postupka javne nabavke i Zapisnik o pregledu i ocjeni ponuda, ponuđačima koji su učestvovali u postupku javne nabavke.

Član 4.

(Realizacija)

Za realizaciju ove Odluke zadužuje se Služba za zajedničke poslove.

Obrazloženje

Služba za zajedničke poslove je na osnovu Odluke o pokretanju postupka javne nabavke „Nabavka i isporuka računarske opreme za potrebe organa uprave Zeničko-dobojskog kantona“, broj: 14-14-3-15660/19 od 06.11.2019. godine, pokrenula postupak javne nabavke. Javna nabavka je provedena Otvorenim postupkom sa predviđenom e-aukcijom.

Procijenjena vrijednost nabavke je 59.829,06 KM bez PDV-a.

Ugovorni organ je objavio obavještenje i tendersku dokumentaciju na portalu javnih nabavki, broj: Obavještenja o nabavci: 771-1-1-21-3-19/19 objavljeno je na portalu javnih nabavki 08.11.2018. godine i u „Službenom glasniku BiH“, broj: 75. objavljeno 15.11.2019. godine.

Komisija za provođenje postupka javne nabavke, koja je imenovana Rješenjem broj: 14-14-3-15660-1/19 od 06.11.2019. godine, blagovremeno je izvršila javno otvaranje ponuda, te pregled i ocjenu ponuda i Zapisnikom, broj: 14-14-3-15660-6/19 od 02.12.2019. godine, konstatovala da su u predviđenom roku pristigle tri ponude: Fractal d.o.o. Žepče, Doper Tech TR Kiseljak i ProComp d.o.o. Zenica.



Nakon pregleda ponuda naprijed navedenih ponuđača, Komisija je u Zapisniku, broj: 14-14-3-15660-7/19 od 06.12.2019. godine, konstatovala sljedeće:

- Ponuda ponuđača "Fractal" d.o.o. Žepče se odbacuje na osnovu člana 68. stav (4) tačka i) Zakona o javnim nabavkama („Službeni glasnik BiH“, broj: 39/14), ponuda nije potpuna i ne ispunjava zahtjeve iz tenderske dokumentacije. Ponuđač nije popunio Obrazac za cijenu ponude – Aneks III, Kolonu "Naziv ponuđenog artikla, Naziv proizvođača, Zemlja porijekla ponuđenog artikla; što nije u skladu sa tačkama 4.1. i 4.4. tenderske dokumentacije i nije ispunio dio uslova iz tehničke specifikacije na osnovu Izvještaja o provjeri ispunjenosti uslova iz tehničke specifikacije po tenderskoj dokumentaciji, broj: 771-1-1-21-3-19/19.

- Ponuda ponuđača "Doper Tech" TR Kiseljak se odbacuje na osnovu člana 68. stav (4) tačka i) Zakona o javnim nabavkama („Službeni glasnik BiH“, broj: 39/14), ponuda nije potpuna i ne ispunjava zahtjeve iz tenderske dokumentacije. Ponuđač nije ispravno naveo rok važenja ponude u Obrascu za ponudu – Aneks II, tačka 5. što nije u skladu sa tačkom 4.9 tenderske dokumentacije. Ponuđač "Doper Tech" TR Kiseljak je naveo da ponuda važi do 02.03.2019. godine, tj. rok važenja ponude koji je kraći od roka navedenog u tenderskoj dokumentaciji i ponuđač nije u preambuli Nacrta ugovora unio podatke iz svoje ponude, što nije u skladu sa tačkom 5.4. tenderske dokumentacije.

- Za predmetnu nabavku je u skladu sa Pravilnikom o uslovima i načinu korištenja e-aukcije (Sl.Glasnik BiH br. 66/16), tenderskom dokumentacijom bila predviđena e-aukcija. Članom 3. Pravilnika propisano je da se slučaju prijema jedne prihvatljive ponude e-aukcija ne može zakazati, nego se postupak okončava u skladu sa članom 69. Zakona.

Uzimajući u obzir navedeno i činjenicu da je cijena ponude ponuđača „ProComp“ d.o.o. Zenica, daleko veća od procijenjene vrijednosti nabavke, Komisija je dala preporuku Ugovornom organu da se postupak okonča u skladu sa članom 69. stav (2) tačka e).

Imajući u vidu gore navedeno, ugovorni organ, u skladu sa članom 69. stav (2). tačka e), Zakona, poništava postupak javne nabavke za „Nabavku i isporuku računarske opreme za potrebe organa uprave Zeničko-dobojskog kantona“, koji glasi: „ cijene svih prihvatljivih ponuda znatno su veće od osiguranih sredstava za predmetnu nabavku.”

Kako u postupku ocjene provedenog postupka nabavke nisu utvrđeni razlozi, nepravilnosti ili propusti u radu Komisije, a koji bi eventualno bili osnov za neprihvatanje preporuke Komisije, to je cijeneći sve naprijed navedeno odlučeno kao u dispozitivu ove Odluke.

Pouka o pravnom lijeku

Protiv ove Odluke može se izjaviti žalba u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi, putem ovog ugovornog organa, u pisanoj formi na način propisan članom 99. Zakona o javnim nabavkama.

Dostavljeno: 3x ponuđači

1x tenderska dokumentacija

